

Guijtz Ni Bacuaa Judas

Judas cagucuaa loj renani agule Dios

¹Narä nacä Judas, ni rujn xtzuun Jesucrist. Narä nacäza betz Jacob. Cagucuaä guijtzre loj renani agule xtadnu Dios, renani sanälazduxhni, nani cayapcheeni par Jesucrist. ²Rniabä lo Dios, gulaslazduxhruni la'tu, guscuedxiduxhruni lastootu, gacnäjni la'tu, guniidxruni yälsanälajz.

Renani rului yälrusguee

(2 Pedro 2:1-17)

³Rebetzä nani sanälazä, che cayunduxhä xhigab gucuaä lojtu xcuent yälrusläa lo rextojlnu ni rajpnu, benä xhigab riojbru gucuaä te guijtz lojtu te gulidxätu sudzu'tznu, gapdzu'tztu yälirililajz ni basule'reni par tejpas loj rexpejn Dios. ⁴Sa'csi abiuxhiga'tz gaii bejn, renani galooli gunii Dios siädreni, niluxh sinitlojreni. Najczeni bejn ni di chälilajz xtidx Dios, najczeni benguidxduxh, rutzuréreni xcälracnäj Dios, rujnreni xtujy, sanäreni te yäl nabandxuudx. Rbälazzareni xpaxhuaannu nani rnibee loonu, Dad Jesucrist.

⁵Mase anajntu guira'ti rediidxga tejpas, rlazä gusnä läjztu che

gudejd gulää Dad Jesucrist rexpejn Israel lo guedx Egipto, dxejcti bagu'tni renani di nililajz xtiidxni. ⁶Rexangl Dios nani di nucuadijag diidx, ni birii cadro rlanj Dios chureni, reni'c basäu Diosreni cadro nacäiboo te cabäjzreni gun Dios xcälguhtisni lojreni. ⁷Si'c bejnni guedx Sodoma näjza Gomorra näjza reguedxbäz ni tre' gajx ro'c, sa'csi bejnreni dojl, reniguii guyunäjreni niguii birääx, regunaa guyunäjzareni regunabirääx. Dxejc gudejdreni trabawduxh huejcreni nen guiboo par tejpas xcuent xtojlni, ni'c najc te yälrulijdx loonu.

⁸Rebejn ni riu' lojtu naj najc si'c reben galoo ni bejn dojl. Nabajnreni si'c ni bisieedreni lo guiraa nani rului yälrnixcal, ruxhinreni tiejxhrene, rbälazreni xcälrnibee Dios, rniyajzareni rexangl Dios. ⁹Miguejl ni rnibeeru loj rexangl Dios, che gudididixni bendxab yejc tiejxh toMoisés, dini niniyaj bendxab, alga räjpni: “Sugun Dad Jesucrist yälguhtisni lojlu.” ¹⁰Niluxh rebejn ga rniyajreni nicla ganreni xhini'c rniireni. Niluxh nani racbeepac rebejn ga najc yäl najn nani nicla niqiuin nisieedreni, lala

sa' nani rujnza reguidxaa, ni xheti xcáriejn̄ni, reni'c sujn nitlojreni.

¹¹ ¡Aii! iRiazanureni! Sanajlreni xnezyuj Caín, luxh te gunreni gaan meel ruxhuñlireni rujnreni sa' dojl̄ ni bejn Balaam agujc xchero, nájza sa' dojl̄ ni bejn Coré, ni gudiñnáj Dios, luxh gunitlojni.

¹² Laareni najcreni te xtuiduxh lo rexchej ni rajc guidoo, direni guidxeyb gauxchenájreni la'tu, sa'csi xque'tisreni riureni. Najcreni si'c te xcáiy ni xhet nisguij siádnáni, nani saná bej nezree nezrec; najczareni si'c te yagbigool nani di ninejxh xcay lojni, tio'p huált agujtreni, najcreni si'c te yajg ni abiliáädx.

¹³ Laareni najc si'c nis ni rájs lo nisdoo, che cayajc te bidonduxh, sää, siáädni, carii xtujyreni si'c rájs nis lo nisdoo. Najcreni si'c bale' ni rtejb xhaguibaa, rijreni lo te yálnacáiduxh ni benchee Dios par tejpas.

¹⁴ Xcuentza redee agunixgaaza Enoc ni najc xagdodoo Adán, rájpn̄i: “Bahuii, siádná Dios xhidalduxh xanglni ¹⁵te gunni yálguxhtis loj guiraa bejn̄ te gusacsíduxhni guiraa rebejn̄ ni di gumbée Dios xcuent redolduxh ni bejnreni, xcuentza redidxnaj ni guniyaj rebendoľduxhre Dios.” ¹⁶ Rebejn̄re laa reni rmojm̄, runduxhrene quej, rujnreni si'ctis ni rlajz tiejxhrene, rniireni guiraloj didxnaj, rniisireni didxsa'c loj rebejn̄ te gun rebejn̄ga si'c ni rlajzreni gunreni.

**Rulijdxni rebejn̄ nani
ahuililajz xtidx Dios**

¹⁷ La'tu, betzá ni sanälazá, riáj̄l̄ guinaj lajztu rediidx nani

gunii reapost xten Dad Jesucrist, ¹⁸sa'csi guniireni lojtu: “Nen̄ redxelult che guibisac Jesucrist, su' bejn̄ ni suxhiznájreni rextidx Dios, sujnreni si'ctis guisia' lajzreni.” ¹⁹ Redee najc renani run rlia' rexpejn̄ Dios lo sa'reni; rinuuzareni ni yu' lo guedxliuj, diza Xp̄rit Dxan xten Dios cuááz nen̄ lastooreni.

²⁰ Niluxh la'tu rebetzá nani sanälazá, colt̄ioob loj xcäl̄rililajztu ni siáäd lo Diostis, colnab lo Dios xcuent yálr̄nibee xten Xp̄rit Dxan xten̄ni. ²¹ Colguibajntis lo yálsanälajz xten Dios, colsus̄ntis lāl̄ ni cayunlojtu yálr̄ulaslajz xten Dad Jesucrist ni guniidx yálnabajn̄ par tejpas.

²² Colgacnáj renani di chalilazsa'c te chalilajzpacreni xtidx Dios. ²³ Colyacnáj sgaii te guibicajreni lo dojl̄, gudobxhaxhrene, colyeyn̄ xhigab lo guiboo cayejcreni. Colyacnáj sgaii bejn̄, colgulaslajzreni con yálr̄dxejb, niluxh colnatiru te di guntu lagajc dojl̄ ni rujnreni. Gulälaz nani rujnreni, nani ruxhin̄reni.

Redidx lult

²⁴ Colguiliá'p xpala'n Dios nani racnáj la'tu didi jiajbtu lo dojl̄, nani rujn sajc suutu lo xcäl̄rdimbicha' Dios, nayadujtu, rbaduxh lajztu. ²⁵ Yu' tejtis Dios. Laat̄isni rajpni yálnajn̄ te guslaani nuurnu lo dojl̄ xcuent ni bejn̄ xtadnu Jesucrist. Colguiliá'p xpala'nni, rajpni guiralii yálr̄nibee, yálr̄dimbicha', galooli, náj̄ naj, nájza par tejpas. Sugacni si'c.